

袁氏世範

四

增廣世範詩事序

斯聞詩之關雎始於厚人倫而可以風天下
堯典始於親九族而可以協萬邦易之家人則曰
正家而天下定禮之大學則自齊家而後治國平
天下微乎一家之法大哉萬化之源也堯舜惟曰
孝悌之道王季惟曰因心之友文王惟曰刑寡妻
至兄弟以御家邦此道不明人偽滋熾父子之屬
形借鋤之德色兄弟之倫憤且其之相煎衣冠輩
流覆車莫戒閭閻編戶敝將若何稽諸史牒有先
賢所可喜之節匹婦所可傳之事釐爲二十條名
詩事集鑒人惟有所鑒則有所戒無所鑒則冥行
翳路投足荆榛竟不知所向如何也近代家訓所
傳如房元齡集古今家誡爲屏風令其子孫各取
一具穆寧撰家令訓諸子人一通柳玘述家訓以
戒子孫幾三百言肆今所集之訓皆引古而列于
後亦指事而賦之詩其詞淺切不爲艱深庶幾智
愚賢不肖皆可以取信後之遵道而行者可以弗
畔矣夫莆陽吏隱方斯景明序

總目

一 子之於父當鑒顧愷

二 子之於母當鑒陳遺

三 父之於子當鑒劉商鄧禹

四 母之於子當鑒王珪母李氏

五 孫之於祖父當鑒張元

六 孫之於祖母當鑒劉商

七 子之於繼母當鑒王延

八 子之在官無貽父母之憂當鑒陶侃陳

堯咨

九 子之在家宜安父母之貧當鑒李康伯

十 弟妹之於兄姊當鑒孔融李勣

十一 兄姊之於弟妹當鑒盧延賈達

十二 兄弟異母當鑒王祥王覽

十三 兄弟分財當鑒薛包李孟元

十四 夫之於婦當鑒何曾

十五 婦之於夫當鑒樂羊子之妻

十六 婦之於姑當鑒姜詩之妻

十七 婦翁之於壻當鑒張宣子

十八 叔母之於姪當鑒任氏

十九 伯父之於姪女當鑒劉平

二十 叔之於嫂當鑒顏令馬援

二十一 叔之於姪當鑒郝鑒謝安

二十二 姪之於叔當鑒王濟

二十三 娣之於妯當鑒鍾氏郝氏

二十四 內外兄弟當鑒金皇甫謐

○益 甥舅恩義當監垂祐

○榮 同居當監張公藝

○華 鄰居當監金王吉

○交 獨居當監垂男子

○先 貧賤則勵固窮之操當監謝僑

○壯 富貴則防席勢之驕當監房元齡柳玘

增廣世範詩事總目終



子之於父當鑒顧愷

顧愷每得父書常掃几筵舒書於上拜跪讀之每句應喏畢復再拜若父有疾耗之間即臨書垂泣語聲哽咽愷之為子也得父書而敬孝愛孝之心兩存使愷承顏於朝夕其孝行必有可觀者推是心以往其事君亦然

詩

孝敬真情切蓼莪此書那抵萬金多庭闈侍遠恭如許想得承顏更若何

子之於母當鑒陳遺

陳遺之母好食鐺底焦飯遺作郡主簿常裝一囊每煮食輒貯焦飯以遺母後值孫恩賊出吳郡其時袁府君西征遺已聚得數斗焦飯未及歸家即帶以從軍戰敗軍潰逃走山澤遺獨以焦飯得免時人以為純孝之報子之孝於其母豈有望報之理及患難之臨乎前乃得遺母之飯以自活良由孝心一萌神明已自彰著可不敬哉

詩

孝行何心影響日推神明偏為孝扶持我知焦飯頻供母那識危中療我飢

父之於子當鑒劉商鄧禹

劉商有子七人各受一經一門之內七業俱成鄧禹有子十三人使各守一藝教養子孫爲後世法今之習俗多以生男爲喜日望一日無所成就其原失於素無繩墨約束雖悔何追韓退之遠其子於城南作詩以警之必以年至十二三爲慮以至二十三而賢不肖決矣有父如劉商鄧禹何憂乎哉

詩

俗喜生男復患多龍猪一判柰身何早分經藝爲家檢有石雖頑亦可磨

④母之於子當鑒王珪母李氏

李氏嘗謂人曰吾兒必貴未知所與遊者何如人異日房元齡杜如晦到其家李驚喜曰二客公輔才汝貴不疑自孟母擇鄰之後無復有賢德之母光于史牒珪母乃以交遊之賢卜知其子之貴噫知子莫若父未聞有母之知子也異哉

本朝蘇參政易簡之母召入禁中太宗問曰何以教子遂成令器對曰幼則速於禮遜長則教以詩書上顧左右曰今之孟母也非此母不生此子賜白金千兩王母知其子以交遊蘇母教其子以禮遜其成功一也母之教子所可能也母之知子爲難能也故作李氏之歌

詩

有母誰知有子賢擇交何止擇隣遷才如房杜難
窺際李氏驚馬看獨了然

孫之於祖父當鑒張元

張元年十六其祖喪明三年元常憂泣晝夜讀佛
經禮拜以祈福祐後讀藥師經見盲得視之言遂
請七僧燃七燈七日七夜轉藥師經行道其夜夢
見一老翁以金鑑療其祖目於夢中喜躍驚寤徧
告家人三日祖目果明鄉里咸難異之末俗之爲
子者未必能親嘗湯藥於其父母誰能至誠迫切
療疾於其祖乎

詩

縱有金鑑入夢來盲精惟藉孝誠開藥師經在人
能讀晝夜精神哭幾回

孫之於祖母當鑒劉商

祖母王氏盛冬思芹而不言劉商知之時年九歲
乃慟哭澤中聲不絕者半日忽若有人云止止聲
方拭淚間忽有芹生於地得斛餘以歸孩提之童
誰無父母之愛又誰無祖母撫摩之恩當思芹不
言之時雖少壯者承顏左右而未必知縱知之而
誰爲澤中之哭劉商九歲乃如是耶商自哭芹之
後夢人謂之曰西籬下有粟寤而掘之得粟十五

鍾銘曰七年粟百石以賜孝子劉商自是食之七載方盡孫之孝事祖母其感應有如是可不念哉

詩

九歲嬰孩方聚嬉誰從祖母薦甘肥盛寒豈是多芹候天與劉商斛粟歸

⑦子之於繼母當鑒王延

王延事後母夏扇枕席冬以身溫被母愛魚求不得杖之流血延叩冰而哭忽有魚長五尺躍出母食之不盡於是撫之如己子事有不幸而遭繼母之噐者其子能進食於善不以杖之為酷而以吾之愛心為重雖神明亦且應感况人乎杖我者所以責望我者也此其所以為王延

詩假如父母止有一子卧冰求魚或至凍死以絕宗祧雖至性所發凍死反滋不孝當取其心母取其行乃可

母無先後色為難起孝須從至性看受杖不妨流血慘叩冰惟以得魚歡

⑧子之在官無貽父母之憂當鑒陶侃陳堯咨

陶侃少為縣吏監魚梁以鮓遺母譙氏封鮓責之曰爾以官物遺我不能益我乃增吾憂尔陳堯咨知制誥出守荆南回其母何氏問曰古人居一郡一道必有異政汝典名藩有何異効堯咨曰荆州路當衝要郊勞宴餞迨無虛日然稍精於射衆無不服何氏曰汝父訓汝以忠孝俾輔國家今不務

仁政善化而專卒伍一夫之伎豈汝先人之意耶
以杖擊之金魚墜地二母之望其子者不在利達
貴顯而在身名事業賢矣哉

詩

誰知母道是嚴君易豕家人備戒云爲歎斷機風
教泯謚何此訓亦堪聞

子之在家宜安父母之貧當鑒韓康伯

韓康伯年數歲至大寒母商氏令康伯捉熨斗而
謂之曰且著襦尋當作復禪康伯曰不復須母問
其故對曰火在斗中而柄執今旣著襦下亦當煖
母甚異之其舅商浩稱其有出群之器後官至太
常子之生於親之膝下豈不知家之有無世俗所
謂不肖子假儒衣冠浮浪城闈多出於豪家貴胄
柰何貧家之子亦復有長袖博帶者曾不恤父母
劬勞之外攻苦食淡商氏之愛其子旣著襦矣將
繼之以復禪此亦料理寒具之常者康伯在童兒
歲懼其母念之深借斗柄以自喻蓋所以安母之
心也知有母不知有身其惟康伯乎

詩

親在誰能不有身我生憂母不憂貧寒襦蓋躰粗
爲尔似此兒曹今幾人

弟妹之於兄姊當鑒孔融李勣

孔融年四歲與兄食梨而輒取小者人問其故荅曰小兒法當取小者李勣以姊病親為煮粥回風藝其鬚姊曰僕妾幸多何苦如是勣曰姊老勣亦老雖欲久為煮粥其可乎幼而四歲知有兄之尊老謂公爵知有姊之奉過人遠矣

詩

兄姊常尊眾所同幼誰悌順老誰恭孔融李勣今亡矣我讀遺書曷為歛容

① 兄姊之於弟妹當鑒盧延賈達

盧延遭王莽之亂有從妹年在孩乳其母不能活之棄於溝中延哀而收養之遂至成人賈達年五歲其姊聞鄰家讀書逐日抱達聽之達年六歲乃暗誦六經姊之力也活從妹則易收之孩乳則難養幼弟則易抱之聽讀則難如是恩愛不可以常理論也

詩

愛妹人皆有至情誰從溝壑活餘生更看幼弟為難養有姊能令學業精

② 兄弟異母當鑒王祥王覽

王祥弟覽繼母朱氏遇祥無道覽見祥被撻輒流涕抱杖及長諫母少止使祥非理覽亦與焉朱意乃止天之生物使之一本如曰二本是違天也祥

覽雖異母而兄弟無二本是以覽之名雖亞於祥而孝友根于天性祥位至三公覽至光祿大夫覽奕世多賢才興於江左得非餘慶至此耶

詩

母置弟傲舜尤難祥覽相須尚可安自古聖賢多不幸只留各教後人看

薛包好學有行弟求分財異居包不能止乃中分

其財奴婢取老弱者曰我共事之矣田園取其荒者曰吾少所理意所戀也器物取朽損者曰素所服身口所安也李孟元性恭順與叔子就同居就有痼疾孟元推所有田園悉以遜就夫婦紡績日給嗟呼分異之事古人所難言也未俗安之恬不知怪有能於區分之際自取其不如意者亦復遜其所有以自勞苦者非有至德絕俗輩未可以語是也

詩

朴俗凋零誰忍聞古人何處有區分就如李薛猶難到叔世相尋以斧斤

夫之於婦當隨金何曾

何曾位至三公閨門整肅自少及長無聲樂嬖幸之好與妻相見正衣冠相待如賓已南面妻北面

再拜上酒而酬酢之禮行焉。曾雖華侈過度性實
至孝嘗面折阮籍居喪無禮於文帝之前以爲汚
染華夏。擯四裔其節行亦可嘉。又復以貧禮行
乎夫婦雖老而謹其視晉朝漫滅典禮爲如何孟
子曰身不行道不行於妻子使人不以道不能行
於妻子曾亦有道君子焉。

詩

百年伉儷在蘋蘩禮法須從我輩看誰道晉人多
曠誕何曾獨角整衣冠。

婦之於夫當鑒樂羊子之妻

樂羊子遊學一年而歸妻跪問其故羊子曰久行

懷思無異也妻乃引刀趨而言曰此織生自蠶吐繭
成於機杼一絲而累至寸不已遂成丈疋夫子積
學當日知其所亡以就懿德若中道而歸何異斷
斯織乎羊子感其言復還終業遂七年不反婦人
何所知見而能以學業責成其夫如此其後妻以
賊劫又能身死以全其姑嗟乎正節大義與寒霜
烈日爭嚴不出於丈夫而出於婦人也。

詩

機杼何殊學半塗婦人以此勉其夫一生節義寒
冰凜寧殞微軀活我姑。

婦之於姑當鑒姜詩之妻

婦之於姑當鑒姜詩之妻

姜詩事母至孝其妻奉順尤謹妻嘗泝流取江水以奉姑詩以後時而遣之妻乃寄止鄰舍晝夜紡績日市珍羞使鄰母自遺其姑如是者久之姑感慙呼還養愈謹其子後因汲水溺死妻恐姑哀傷不敢言而託以遊學未幾舍側湧泉味如江水每旦輒躍雙鯉以供姑之膳赤眉賊過詩里施兵過曰驚大孝必觸鬼神婦之孝於其姑是亦理之常誰知姜詩之妻以取水後時而見逐乃安心鄰舍而事姑之禮尤謹又誰能命其子取水而溺死乃語其姑以遊學惟恐哀傷此皆古今所未嘗聞之事是宜盜亦有道而曰驚大孝必觸鬼神也

詩

姜婦真心世所無孝誠極處可驚吁子殘身逐渾閑事直要甘泉日養姑

婦翁之於壻當鑒張宣子

張宣子家富於財欲以女妻同郡劉高其妻怒曰我女年始十四姿識如此何慮不得為公侯妃而遽以妻劉高乎宣子曰非尔所及也識其女曰劉高至孝真感兼才識超世此人終當遠達為世名公汝其謹事之張氏性亦婉順事王母以孝聞時司空齊王攸辟高為掾征南將軍羊祐召參軍事宣子亦勸高就辟高曰王母在堂一就辟命當盡

臣禮便不得就養宣子曰如子所言豈庸人所識哉宣子一喜其言而妻之以女莫大乎宣子之見也婦翁冰清女壻玉潤皆晉人浮誇等語不足爲劉商道亦非宣子之所樂聞也

詩

衿悅從人若可依東床何必數義裁之要令我女供蘋藻不嫁劉商外更誰

⑤

叔母之於姪當鑒任氏

皇甫謐年二十不好學游蕩無度嘗得瓜來進叔母任氏叔母曰孝經云三牲之養猶爲不孝汝今十齡二十目不存教心不入道無以慰我昔孟母三徙以成人曾父烹豕以存教豈我居不卜鄰致有所聞何尔魯鈍之甚修身篤學自汝得之於我何有因對之涕流謐乃感激帶經而農遂博綜典籍稱自号元晏先生謐晚年尤耽書忘疾與食或有箴其損耗精神謐曰朝聞道夕死可矣况命之脩短在天乎謐又嘗自表就武帝借書帝送一車書與之謐雖羸疾而披閱不怠復累詔竟不仕謐之初年游蕩乃如彼晚節成名乃如此叔母任氏真孟母也孟母之訓其子母之常也任母之訓其姪幾人哉

詩

誨存叔姪理宜然叔母希聞有此賢學術作成皇
甫謚不令孟母獨光前

伯父之於姪女當鑒劉平

劉平弟仲為賊所殺扶母奔仲平抱仲遺腹之女
年方一歲而弃其己之子母欲還之平曰力不能
兩活仲不可絕類兄弟之子猶子也猶子云者是
不以兄弟之子異乎己子也劉平不忍仲之無後
而弃其子以活其弟之子此皆絕無僅有之事

詩

大賢至識與誰評死厭藩籬障此生寧弃吾兒存
仲後鴿原高處看劉平

叔之於嫂當鑒顏舍馬援

顏舍有嫂樊氏喪明究心醫西養求蛇膽不得忽有
青衣童子授之童子化成飛鳥而去嫂疾尋愈馬
援敬事實寡嫂不冠不入廬世俗以嫂叔之無服也
是以不謹其名分惟賢者敬兄如敬其父事嫂如
事其母顏舍馬援何愧焉

詩 視嫂無異于母恐心太過

事嫂須知事母同此身何處不溫恭人如顏馬今
其幾再見斯徒亦可宗

叔之於姪當鑒郗鑒謝安

郗鑒遭永嘉之亂窮餒無聊鄉人共食之鑒坐中

携兄子邁及外甥以就食鄉人以不能兼口辭之
鑒乃獨往含飯於兩頰吐與二兒此叔於艱食之
中而能養其姪者謝元之好佩紫羅香囊其叔謝
安患之不欲傷其意因戲暗而焚之此叔於至微
之飾而能警其姪者食之誨之皆欲驅之成人之
地叔父之名郝鑒謝安有焉

詩

叔也誰無撫姪心賢知郝謝寓情深吐餘頰哺無
窮愛焚却香囊有誨箴

⑤姪之於叔當鑒王濟

王濟之叔湛兄弟宗族皆以為癡惟濟與之談易
剖析精妙晉武帝以濟之癡叔為問濟曰臣叔不
癡山濤以下魏舒以上湛由是顯名噫善則稱親
理之常然叔父吾父也兄弟宗族以為癡聞之天
子亦以為癡而濟獨以為山濤魏舒之匹使湛果
癡耶濟不敢欺君以為賢使濟果不賢耶亦不能
稱叔之美於其上有姪如何負叔耶

詩

剛道吾家叔不癡君言正對豈是谷斯堦前有此奇
蘭玉王湛佳名藉汝馳

⑥姊之於姪當鑒鐘氏郝氏

王渾妻鐘氏與弟婦郝氏皆有德行鐘雖門高而

與郝相親重郝不以賤下鐘鐘不以貴陵郝時人稱鐘夫人之禮郝夫人之法人皆以兄弟睦為家之肥苟為姊姒者非其鐘郝雖有令兄弟亦為盛德之累

詩

婦德於人誰獨全一門二姓乃俱賢結褵母訓粗能守鐘郝風嘉如何懍然

◎內外兄弟當監皇甫謐

皇甫謐有從姑之子梁柳出守城陽有勸謐餞之者謐曰柳為布衣時吾送迎不出門食不過鹽菜貧者不以酒肉為禮今作郡送之是貴城陽太守而賤柳豈中古之人情非吾心所安也謐不以待城陽太守之禮而待姑之子蓋平日所以相處者未嘗踰禮一旦以太守之禮禮之謐所不為也

詩

窮達休休逐世情城陽太守即書生我於姑子恩為重貴顯都來草芥輕

◎甥舅恩義當監羊祜

史氏所載舅之於甥母致其厚如魏舒之倚竇氏周翼之倚郝氏未聞甥之於舅而能致其厚者羊祜進爵乞封舅子蔡襲晉之表湛嘗謂世無渭陽情祜而有此亦景星麟鳳祜封其舅之子念母也

念母不可得見則念舅矣念舅不可得見則念舅之子矣祐仁孝人也憶墮淚之碑存乎塊山之下無所不厚可知也矣

詩

誰能三復渭陽詩舉世寥寥此道衰念舅幸聞羊叔子尚能遊爵到孤兒

同同居當鑒張公藝

張公藝九世同居高宗臨幸其家問本末書忍字以對天子流涕遂賜練帛三世一爨尚或有之九世而同居者不惟士庶之所難雖九重之尊亦或發問噫為善於家賞於朝信斯言也忍之一字其原得於顏子犯而不校之學後進皆可以馴致

詩

萬木皆從一本傳比鄰尔汝浪紛然我知忍字為家寶會看精神到九天

鄰居當鑒王吉

王吉東家有棗實垂吉庭中吉婦取以啖吉後知之乃去婦礼與食孰重曰礼重一介微物非我所取而取之賢者死不肯矣吉之妻取東家之棗以資吉之奉使吉知之於未啖之初千百年愧赧之恨不可一日釋况知之於既啖之後耶故其怒直至去婦也吐狗而去婦以全其孝啖棗而去婦以

厲其行婦去而棗伐在常情有所不忍婦歸而棗
存於名教實有所尊王吉之德厥光大矣吉上疏
於宣帝有曰夫婦人倫大綱豈不知夫婦之恩爲
厚耶妻遇不以其正吉所不爲也

詩

克己奇功人不思可堪鄰物更容私子陽異日鈞
衡手止要掃除天下欺

六

獨居當陰魯男子

魯男子獨處于室鄰之嫠婦亦獨處于室嫠婦因
風雨室壞趨而託之男子不納嫠婦曰子獨不見
柳下惠乎男子曰柳下惠可吾固不可孔子聞之

十五

曰善學柳下惠者莫若魯之男子執虛如執盈入
室如有人士君子於不聞不睹之地每致其惑於
安平無事之日若曰風雨室壞而納嫠婦特倉卒
中姑息耳魯之男子所以別嫌微者非其道也其
絕之也宜

詩

看取中庸數百言惟於謹獨最在先魯誇男子爲
標置我謂持循理人亦然

四

貧賤則勸固窮之操當與謝橋

謝橋素貧嘗一朝無食其子啓欲以班史質錢荅
曰寧餓死豈可以此充食乎飢食渴飲人之常尔

一日之計不辨而僞之子請以其書質錢貧可知矣僞寧餓死而不從亦可謂固窮之異乎人者

詩

去信猶勝去食難質書那肯給朝食謝僞脫或從兒請歿後身名作麼看

三十 富貴則防席執之驕當鹽金房元齡穆寧柳玼房元齡治家有法度常恐諸子驕侈席執陵人於是乎集家誠柳玼清直有父風常恐子孫事隊先訓則異他人雖生可以苟爵死不可見祖先地下於是乎集家訓穆寧居家嚴有四子曰贊曰質曰貞曰賞皆以行義顯時人目之以珍味如酪酥醍醐乳腐亦家令之嚴乃至此唐正元間言家法者惟韓穆二家即韓休穆寧也

詩

世祿驕從氣體移誰將禮樂問鎡基儻嚴家法如三子福汝孫孫無盡期

右詩事所刊三十條皆匹夫匹婦可與知可能行者孟子曰規矩方員之至聖人人倫之至前序所言堯舜王季文王皆極其至者匹夫匹婦如有一人之行顯聞于世皆能致身貴顯如鄧禹李勣等之立大功如孔融賈逵輩之爲名儒如何曾謝安王吉數君子致身宰輔皆古賢人

也如王珪之母李氏皇甫謐之叔母任氏姜詩
樂羊子之妻皆古賢婦也信史所傳風馨可掬
若夫四維不張六逆馴致古人卓絕之行不可
及見得見庸行者斯可矣庸行猶不及見是不
知有狼之仁烏之哺何容身於天地之兩間集
事詩鑒姑爲擇善而從者設勿謂今之俗不
能行古之道其聞之也久其漸之也深童而習
之知古人有是事雖不能及倣古人所不可及
之迹仰事俯育心所同然稍有戾於名教獨無
愧於心乎孟子曰壯者以暇日修其孝悌忠信
入以事其父兄出以事其長上可使制挺以撻
秦楚之堅甲利兵此言何謂也孟子之言則孝
悌忠信可以無敵於天下况一家乎行之一家
則一鄉而準行之一鄉則一國而準一國所化
天下化之又非詩鑒之所能名也莆陽吏隱方
昕景明書



袁學士世範卷終



六詩

五年

有明正德庚辰六月朔偶得世範三卷其目
曰睦親處己治家皆吾人日用常行之道實
當世之範也讀其自序以為通貫謙德之盛
如此吾家其世寶之表表識

表氏世範馬端臨書考定為一卷此本次列
三卷後附詩鑿一集且刻畫精工信為善本
豈書攷有所誤耶觀書中皆修齊切要之言
誠余家所當世範者是宜珍藏之正德庚
辰六月八日袁表書

宗三衢袁君采著表氏世範見唐宋叢書及
眉公秘笈陳榕門先生諷採入訓俗遺規然
皆非足本乙巳春予於書肆檢閱舊編得此
宗本書分三卷後附方景明詩鑿一卷有予
從祖陶齋公謝湖公二跋稱其校刻精善洵
為世寶是吾家故物也楚弓楚得若有冥貽
謹讀數過其言約而賅淡而旨殆昌黎所謂
其為道易明而其為教易行者耶予方刻戴
家譜鮑文以文見而賞之復梓入叢書附顏
氏家訓後以廣其傳是作書者幸甚而予之
購得此書亦幸甚乾隆庚戌孟冬古吳袁廷

檮跋

右三表跋照鮑刊世範本錄原墨蹟蓋即在此本三卷後末葉後幅紙割去者是
也其割去蓋在袁又慎廷檮家散出時其自袁後人與自書買手皆未可知表

表跋首有：明二字原本必不如此。寫當係表鮑重刊時所改。但表明人不能如此。說欲一一效之。祖史內凡此等字。出自明人。何限。豈能悉改。耶。咸豐戊午九月二十

日記應陸



比本一卷。父母多愛幼子。一條云。其長者可惡之時。止值幼者可愛之時。日父母移其愛長者之心。而愛幼者。其憎愛之心。以此而分。遂成遷延。最幼者。皆可惡之時。下無可愛之者。父母愛無所移。遂終愛之。語自明白。鮑本在取幼者。二語。上愛惡二字。且易下字作不字。又理遂字。強難通。其故在不自細心。看本又而輕易改。抹所致。故抹也。當亦自知未及。然又懷不欲輕改之心。以為較原本已善。又私心竊念作者。又理或本平常。遂不復推求。而不知此由其偶不善。本又之故。而非本又之文理。有未善也。鮑稱善。校猶有此。夫其下。豈未易言。記此。俾人知校本之不可濫。而或稱。據其本校。刊云。者。仍未必盡同。原本而所據之。原本。仍不可以其既註。刊出。而不甚宜。貴也。云。一日又

記



飭送 南樓

韓大式印

印

張文虎刻 李徽東園叢說一

冊布

察入素氏世範彙編及唐宋書格致書
皆有之 閱本則僅承崇古曲錦出知不足齋本
是否標宋本却未核看以春標告 借新得物
布一讀大時歲暮不及年大出之故
冬更不

嘉慶十九日

圖書在版編目(CIP)數據

袁氏世範 / [宋]袁采撰. —北京:北京圖書館出版社,
2003.5

(中華再造善本)

ISBN 7-5013-2035-7

I.袁… II.袁… III.家庭道德—中國—古代 IV.B823.1

中國版本圖書館CIP數據核字(2003)第017254號

ISBN 7-5013-2035-7



9 787501 320356 >

書名 袁氏世範(全四冊)
著者 [宋]袁采 撰

出版 北京圖書館出版社(100034 北京市西城區文津街七號)

发行 北京圖書館出版社(100034 北京市西城區文津街七號)

Tel:(010)66151313 Fax:(010)66174391

E-mail:Bstfb@publicf.nlc.gov.cn

Website:www.nlcpress.com

造紙 華寶齋
印刷 杭州富陽古籍印刷廠

開本 八

印張 二五·二五

版次 二〇〇三年五月第一版第一次印刷

印數 一·一五〇〇

書號 ISBN 7-5013-2035-7 / K·496

定價 六一〇圓

